

# LA PACDEFENDANTO

N-o 18. NEREGULA INFORMA CIRKULERO POR ĈEĤOSLOVAKIO JUNIO 1953

ĈU NI UZU ESPERANTON?

Pro humiliga demando, kiel ĝin starigis k-do Martón Lajos, ĝen.sekretario de SEAT el Budapest, en sia letero de 2.sept. 1952 adresitan al la Centra komitato de la Ĉehoslov. komunista partio, kies kopion li al ni sendis en majo 1953. K-do Lajos argumentas, ke en alvoko de la Wiena packongreso oni diras, „necesas uzi ĉiujn rimedojn de la ksriba k. parola agotado por la paco“... Mia modestas demando estas, ĉu al tiuj uzeblaj rimedoj apartenas ankaŭ la helpa lingvo Esperanto, kiun ni kun multaj komunistoj, socialistoj kaj pacbatalantoj uzas depost jardekoj kaj opinias ĝin taŭga por krei „amikajn interrilatojn“ inter la diverslanda laboristaro, al kio instigas la 1.punkto el la statutoj de la Sovjeunia Komuniata Partio... La Finno, Islandanoj, Japanoj, Ĉinoj, Nederlandanoj, Svedoj ktp. ne scias la rusan lingvon k. ne volas uzi la anglan, francan aŭ germanan. Ĉu do ni rajtas interrilati kun ili pere de Esperanto? Precipe por niaj asiaj gekdoj tio signifas facilan solvon al interpopola kontakto sen ofendo de ilia nacia fiereco jka rajto, egale ebligante solidaran kunlaboron, diskonigon de siaj luktoj, packlopodoj, konstrulaboroj. Ĉu do apartenas E. al la uzendaj rimedoj kaj ĉu ni uzu ĝin? Kion ni respondu al niaj nordaj, okcidentaj kaj ekstremorientaj amikoj?

K-do Stalin foje diris „ni fortigu la internaciajn amikajn rilatojn kun la laboruloj de ĉiuj landoj, kies intereso estas la interpopola paco kaj amikeco.“

Jen ekstraktoj el unupaĝa letero enhavinta ankoraŭ aliajn gravajn citaĵojn el kiuj videbliĝas, ke la

La skribinto la starigitaj demandoj estas tute klaraj. Sed, kial do humilige demandi ĉe niaj gvidantoj, ĉu ili permesas al ni uzi la lingvon en tiu senco? Ĉu sole ili havas kapon prudentan por decidi, ĉu ni uzu aŭ ne uzu? Ĉu estas inda al komunisto, estante konvinkita pri la ĝusteco kaj uzebleco de iu ajn rimedo (en tiu kazo Esperanto) demandi antaŭe permeson ĉe niaj gvidantoj? Ĉu ne sufiĉas por ni la klaraj decidoj de la Tutmonda packonsilantaro kaj de Stalin mem kaj la losungo de Karl Marx: „Proletoj el ĉiuj landoj unuiĝu!“ por klare kompreni, ke estas nepra devo de ĉiu matura partiano eluzi ĉiujn rimedojn por atingi la efektivigon de la genialaj ideoj de Marx kaj Lenin?

Ĉu ni mem ne montras ne sufiĉan instruitecon kaj maturecon devante pri tiaj tute primitivaj kaj al komunisto memkompreneblaj demandoj antaŭe interkonsiliĝi kun niaj estroj? Aŭ ĉu ni estas tiom limigitaj koncerne niaj membrorajtoj, ke sen antaŭa konsento de la estraro, ni eĉ la partian programon ne rajtas plenumi? Fakte estas, ke kelkaj pli altaj partifunkciuloj ne aprobas Esperanton keil ilon taŭgan por kontribui al la plenumo de la partia programo. Sed, ĉu ne Lenin mem diris, ke en okazo de oportuno necesas batali eĉ kontraŭ propraj partianoj? Al ĉiu celkonscia komunisto estas klara, ke necesas eluzi ĉiujn rimedojn por garantii al la popoloj la mondpacon kaj prepari ilin por la fina akcepto de la marks-leninisma programo... Kial do ni ankoraŭ humilige demandu, ĉu Esperanto estas por tiu celo taŭga, se ni estas pri tio jam firme konvinkitaj? R. Burda

## ĜOJIGA FESTO DE ESPERANTISTAJ PACDEFENDANTOJ

Ne forgesublaj restas la tagoj de 23-24 majo, kiujn travivis niaj gekamaradoj dum la regiona konferenco en Přerov (Moravio). Spite de diversaj malhelpoj kaj baroj, malgraŭ la kalumnioj, disvastigitaj de niaj malamikoj ĉirkaŭ Esperanto, en Přerov kunvenis en harmonia gefrata rondo ĉirkaŭ 200 gekamaradoj, delegitoj de Esperanto rondetoj el uzinaj kaj urbaj kulturaj kluboj, el vico de urboj de la moravia provinco, por diri al si reciproke siajn spertojn pri sukcesoj kaj malsukcesoj, por instruiĝi kaj firmigi sin reciproke en la batalo por la tutmonda paco kaj disvastigo de ĝia plejefika kaj jam multe uzata ilo, Esperanto.

Partoprenis gastoj el malproksimaj lokoj de nia lando, k-dojoj el Bohemio, Silezio eĉ Slovakio. Ĉeestis ankaŭ k-do Burda, la redaktanto de nia cirkulero LA PACDEFENDANTO, kiu esprimis sian grandan ĝojon pri la amasa ĉeesto de esperantista junularo eĉ infanoj. Precipe impresa estis Esp-lingva salutparolado de 5jara knabineto al la ĉeestintoj. Ĉirkaŭ 1jara knabeto prisorĉis la partoprenintojn per vere arta kanto de arioj el opero en internacia lingvo. Operkantistino V. Borská el Brno, kantista kolektivo el Ostrava kaj ĉiuj aliaj sukces- plene abundiĝis la programon. La interkonatiĝa vespero procedis unusole en la internacia lingvo kaj same estis dimanĉe dum la labor-konferenco. K-do Burda en sia parolado substrekis la ĝojigan fakton, ke nia estonto estas garantiata en nia junularo, kiu tiom multnombre ĉeestas la konferencon. La movado kreskas malgraŭ baroj kaj precipe ĝojiga estas la intereso inter la junularo. Li esprimis la detiron, ke ankaŭ foje niaj gejunuloj havu la okazon partopreni internacian kongreson por persone ĝui la harmonion inter la gek-dojoj de plejdiversaj nacioj, kiun kapablas produkti nia mirinda internacia lingvo. En tia okazo la memkonfido kaj firmeco ekvekiĝus ankoraŭ pli fortan persistecon sur nia vojo al tutmonda interkompreniĝo kaj proleta internaciismo.

K-do Burda konstatis, ke la intenco likvidi la tutlandan Esperanto movadon pere de la likvido de ĝia Centro, rikoltis totalan fiaskon. Montriĝis la malĝusteco de falsa iluzio flanke de kelkaj oficialaj organoj. Montriĝis klare, ke la progresemaĵoj esperantistoj ne estas fabrikitaĵoj el margarino. Pasis unu kaj duon jaro de post la likvidiĝo de la Esp-centro en ĈSR. Oni firme supozis, ke iom post iom likvidiĝos mem nia tuta movado. Hodiaŭ ni povas konstati la malon. Krom kelkaj individuoj, kiuj ektimigite forlasis niajn vicojn, naskiĝis nombro da tute novaj homoj, ni povas diri: homoj, teksitaj el speciala ŝtofo, kiuj, estante firme konvinkitaj pri sia ĝusta vojo kaj praveco de sia batalo, ne lasas sin de iu ajn fortimigi de sia afero. Ja inter ni troviĝas eĉ homoj, kiujn nek Hitler sukcesis rompi per siaj kruelaj koncentroj kaj mortigaj gasejoj, kiuj spite de ĉio restis fidelaj al sia ideo - al la kredo je la venko de la tutmonda paco kaj plifeliĉa estonto de la homaro. Naskiĝis novaj kunlaborantoj, kiuj ne nur estas esperantistoj, sed veraj kaj entusiasmaj batalantoj po la geniala ideo de nia kara majstro Zamenhof.

Tamen necesas diri, kaj memkritike konfesi, ke ni ne plene ankoraŭ sukcesas eluzi ĉiujn eblecojn por venke gajni nian batalon. Ne ĉie ni ankoraŭ sukcesis enpenetri la grandajn amasorganizaĵojn, grupojn, klubojn ktp. por pere de niaj servoj akiri ilian simpatian, trovi kunlaborantojn kaj novajn adeptojn per nia afero. Necesas nun, ke ni tien ankoraŭ aranĝu! Ni partoprenu la kunvenojn de la partio, de sindikato, de junularo, pioniroj. Ni eniru la lokajn packomitatojn, gimnastikajn, religiajn kaj aliajn organizaĵojn. En ili ni aranĝu prelegojn, paroladojn per lumbildoj,

ekspozicioj ktp. Ni diskonigu al ili niajn esp. kantistajn horojn, ni proponu al ili nian abundan materialon por iliaj propagandaj ekspoziciaj kostoj kaj murgazetoj, ni aranĝu al ili kontakton per reciproka korespondado kun samtendencaj eksterlandaj organizoj kaj grupoj kiel ni jam multloke praktikas inter niaj infanoj. Ni ĉesu la propagandon rektan por

Esperanto kaj laborante pere de Esperanto, ni pli efike sukcesos akiri nian celon! Tielmaniere ni ankaŭ plej efike respondas al la artikoloj kontraŭesperantaj de profesoro Trávníček. Ni estu persistaj, fidele ni helpu unu al la alia, tenante daŭran kontakton de urbo al urbo kaj loko al loko. Ni intensivigu nian en- kaj ekster- landan korespondadon, ĉar ne havante eblecon partopreni internaciajn kongresojn, ni almenaŭ plene eluzu la eblecon de reciorika korespondado kaj firme tenu la internacian kontakton!

K-do Burda ankaŭ menciis la renkontiĝon de esp.pacdefendantoj, okazontan en septembro 1953 en St. Pölten (Aŭstrio) kaj varme rekomendis al la ĉeestintoj peti jam nun ĉe la kompetentaj organoj eldonon de pasporto al diversurbaj delegitoj de nia lando. Plue li proponis, ke iu el la proksimaj reg.konferencoj okaziĝu en iu urbo de la centro de nia lando por ebligi tutlandan renkontiĝon al niaj progresemaĵoj esperantistoj. Tielmaniere ĉiu individuo eĉ izolulo havu la okazon konvinkiĝi pri la kresko de nia movado kaj sekve de tio reentusiasmiĝi kaj ĉerpi novan forton kaj esperon al ankoraŭ pli energia laboro kaj agado por nia eminenta afero. Post la parolado de k-do Burda raportis la delegitoj el urbaj kaj uzinaĵaj kluboj.

Del. el Gottwaldov-Otrokovice raportas, ke la rondeto kunvenadas regule ĉiu lunde kaj samtempe okazas kurso por progresintoj. K-do Kohutek el la feruzinoj en Třinec raportas pri laborkonferenco, okazinta la 20-21. de junio en Třinec (monto Ĉantorio) kaj invitas al multnombra partopreno. Ankaŭ an Třinec oni komencas nun propagandi pere de Esperanto. Koncerne al atakoj de prof. Trávníček reagis nur kelkaj funkciuloj dume la simplaj partianoj estas je nia flanko. K-do Kočvara, deleg. De la urba klubo en Opava informas pri ĝia sukcesplena agado kaj plendas, ke la bulteno per nia tutlanda junularo "LA TAGIĜO" ne estas sufiĉe prizorgata per raportoj de diverslokaj delegitoj kaj alvokas por pli aktiva kunlaboro.

Okaziĝos 14 taga somera kurso sub tendaro komence de 20. junio en Hradec u Opavy kiu kostas inkluzive loĝado kaj manĝado 900 Kčs. Ĉiu partoprenanto ricevos 50 % fervojrabaton. Parolis del-o el Ostrava-junularo, k-do Mychna el Lichnov, k-do el uzina klubo en Kroměříž kie ili kunvenadas ĉiu lunde kaj funkcias kurso kun 10 gelernantoj. Del. de Junularo-Praha raportas pri regulaj prelegoj kiujn aranĝadas k-do Šustr, Hromada kaj kamaradino Šupichová. Oni kursas en grupetoj po 3-4 lernantoj. K-do Kořínek el kultura klubo de J.A. Komenský en Brno konstatas malkreskon de la membraro ĝis 50 % kaj reduktas tion el la kontraŭ- esperanta agado de prof. Trávníček kies loĝloko estas ĵus la urbo Brno. Dume la junularo viglas. Kvankam ne eblas publike labori, oni tamen regule kunvenadas, perfektiĝas kaj amuzas. K-do Figár el Kopřivnice raportas, ke ilia movado ne dormas. Okaziĝas impresa ekspozicio kaj la 25. de junio estos prelego de k-do Rud. Hromada en uzina klubo. K-do A. Klimeza el Dolní Suchá (karbminejo) raportas pri la bona funkciado de la lokaj organizoj kaj notas koncerne prof. Trávníček, ke tiu ambicias unusole, per kalumniado de Esperanto popularigi sian nomon en latuta lando, ĉar li ne havas alian okazon. K-do Tichoň el Vojkovice raportas pri komenco de nova kurso en proksima tempo. K-do Slaný, del. el la klubo en ferfandegoj de Vítkovice raportas, ke inter la abundaj rondetoj de tiu klubo, sole la esperantista estis premiita per donaco de du valoraj libroj, pro sia modela agado. K-do Slaný mencias okazintaĵon el kiu

rezultas, ke ne ĉiuj profesoroj estas samoipiniaj kun prof. Trávníček. Ekzemple fama prof. Pallat dum prelego pri Ĉinio, estinte demandita, kiu lingvo ebligu plej facila interkompreniĝo inter la popoloj, respondis: Plej bone oni interkompreniĝus pere de Esperanto, poste eble pere de la angla, franca ktp. lingvoj. Rimarkinda estas, ke profesoro Pallat ne estas esperantisto. K-dino Jirečková salutis la konferencon en la nomo de la rondeto en Lanškroun. La rondeto konsistas el 60 anoj. Funkcias kurso kun 15 komencantoj kaj 16 prograsintoj. Nova kurso kun 20 lernantoj komencis en aprilo. Ankoraŭ parolis k-do Kremer el Košice, el Svit k-dino Vaňková, el Duchcov juna ministro, el Vrutky, el Budějovice k-do Vlk gvid. de la junularo, k-do Werner el Trutnov anoncas komencon de nova kurso, k-do el Pardubice, k-do Dušan el Chrudim, k-dino Reinhartová el Hradec. Kamarado Werner anoncas okaziĝon de tutlanda konferenco de junularo la 1-2. de aŭgusto en Hradec u Opavy kaj invitas al multnombra partopreno. Fine prelegis k-do Kubala el Ostrava pri la vivo de Marks kaj Lenin.

La konferencanoj emociigitaj de la dutaga harmonia kunvivo disiris altgrade enstusiasmigitaj, kun nova forto kaj refreŝigita energio por raporti en siaj lokaj rondetoj pri la firma entuziasmo kaj persista unueco, spertita dum tiu ĉi belega konferenco, okazinta dank al la senlaca oferemo de niaj junaj kaj maljunaj gekamaradoj en Přeřov sub la ekzemplodona organizo de k-do Rich. Jůrka, Kočvara kaj aliaj.

MIGRANTA EKSPozICIO pri tutmonda klasbatalo kaj pacmovado troviĝas nun en Nový Jičín (Moravio). La ekspozicio konsistas el grandaj tabuloj nun surgluitaj ĉiulandaj afiŝoj, fotoj kaj bildoj, akompanataj de ĉeĥa teksto kaj klarigoj. La tabuloj estas starigeblaj sur tabloj en longeco de 40 metroj. La tuta ekspozicio troviĝas en 4 grandaj lignokestoj kaj estas transportebla per fervojo al ĉiu enlanda loko. Vo povas ĝin ricevi prunte po 2-3 semajnoj kontraŭ pago de 60 novaj Kčs kaj pago de transportkostoj al la postsekvanta loko. La ekspozicio estas trafa propagandilo por Esperanto kaj kontraŭ kosmopolitismo. Por ŝpari altan transportkoston ni rekomendas la mendon al rondetoj en proksimeco de urbo Nový Jičín. Ĉar jam anoncis sian intereson ankaŭ rondetoj el Slovakio, ni petas niajn slov. gek-dojn, kiuj

Kiuj havas intereson kaj okazon instali ĉi ekspozicion, ke ili jam nun ekkontaktu kun k-do Rud. Burda, Palackého nám. Ĉ.6, Plzeň.

JOLIOT CURIE AL ST PÖLTEN Jes, tio estus granda sukceso. Ja eĉ Eugene Cotton povus partopreni. Temas ja pri kongreso de pacdefendantoj, kvankam esperantistaj, sed tamen tutmondaj kiuj jam longe antaŭ la decido de la packongreso en Vieno praktikas la interrilatojn de popolo al popolo pri kulturaj, progresemaĵ kaj porpacaj aferoj, senpere, rekte, pere de lingvo internacia. Esperanto.

Ambaŭ gravaj reprezentantoj de la monda pacmovado havus la plej bonan okazon persone konvinkiĝi pri la uzebleco kaj praktikado de jam ekzistanta internacia lingvo. La partopreno de tiuj eminentuloj samtempe donus al nia renkontiĝo iagradan oficialecon, kiu ebligus al esp-istoj pacbatalantoj multnombrian partoprenon eĉ el popoldem. landoj, kies registaroj ĝis nun severe konsideris pri eldono de pasporto kaj de post la 1945 jaro ankoraŭ ne permesis nek al unu esperantisto partopreni internacian kongreson. Ili estus devigitaj ne rifuzi eldonon de úpasporto al St. Pölsen, se la renkontiĝo okazus sub protekto de la gvidantaj pacmovadaj personoj.

Ni esperu, ke niaj k-doĵ en St. Pölsen susksesos tion aranĝi. Intertempe jam nun estas necesa, ke niaj ĉsk. gek-doĵ petu eldonon de pasporto, bazante sian peton, ke temas pri unua grava renkontiĝo de esp. pacdefendantoj el ĉiuj landoj, ĉe kiu nepre necesas la partopreno de

popoldemokrataj delegitoj. La kongreso okazos fine de aŭgusto aŭ komence de septembro en St. Pölten (Aŭstrio). Detalajn informojn kaj aliĝilojn petu ĉe k-do Anton Balague, Kirchenweg n-o 12. St. Pölten, Aŭstrio.

DU ESPERANTO-BROŜUROJ EL ĈINIO „La plejforta voĉo de la paco“ kaj „Per nova maniero por nova afero“ estas ankoraŭ aĉeteblaj pe 6,40 Kĉs (novaj) ĉe nia redakto. Gek-doĵ mendo tuj! Ni urĝe bezonas monon.

## HELPO AL GREKAJ MALLIBERULOJ

### La LIGO POR DEMOKRATIO EN GREKIO

(fondita en 1945) eldonis averton adresitan al la tutmondaj demokratoj pri la intencoj de la greka registaro de Papagos kontraŭ miloj da grekoj malliberuloj, kiuj jam troviĝas 5, 6 kaj 7 jarojn en grekaj karceroj.

La registaro proponas apartigi la politikajn malliberulojn en kelkajn kategoriojn en apartajn karcerojn. La kategorioj estas: „Danĝeraj komunistoj“, malpli danĝeraj, Nepentuloj, tiuj, kiuj pentis, sed poste ne observis la molkonfesion, ktp.

Ĝus oni apartigis la „danĝerajn“ kaj estis anoncita ilia deporto al malliberejo sur insulo Cefalonio. La gemalliberulojn de la dua kategorio oni sendos al Kalami- malliberejo sur insulo Gretio. Komitato, kiu esploras la malliberulojn, decidante ilian sorton ekfunkciis rekte en la karceroj.

La LIGO speciale avertas, ke tiu ĉi apartigo celas starigi novajn kategoriojn por forigi ankoraŭ la jam sufiĉe mizeran vivnivelon de la nunaj politikaj malliberuloj.

La registaro celas tion, ĉar la leĝoj de Grekio (kvankam tio ne estas ĉiam observata) donas al la malliberuloj iaspecan protekton kaj certecon. Post transiro al la novaj malliberejoj eĉ tiuj primitivaj protektoj malaperos. Necesas ankaŭ atentigi, ke la decido, starigi esplorajn komitatojn, estas kontraŭlaĝaj kaj rajtigas nin plene, suspekta tiun ĉi novan manovron.

Efektive tiuj novaj paŝoj signifas forprenila malliberulojn el la manoj de la ministerio, kiu ĝis nun respondecis pri ili, kaj transdoni ilin en la manojn de la Sekur-Policio. La agado de la S.P. la torturado kaj senhoma traktado rilate la arestitoj estas jam bone konataj. Ekzistas serioza kaŭzo por kredi, ke la metodoj uzotaj estos la same timigaj, torturaj kiel antaŭe.

Ni plue alarmigas pro la oficiala anonco, ke la novaj paŝoj espereble plifaciligos la „redukadon“ de la politikaj malliberuloj. La LIGO (revokas al ĉies memoro la fian redukadon de politikaj malliberuloj okazintan ĝis fino de 1950. Miloj torturiĝis ĝis freneziĝo, la traktado mortigis multajn aliajn. La „redukado“ estis simpla perforto por devigi la arestitojn malkonfesi siajn kredojn. La perfortaj kruelaĵoj, tiam faritaj, tiel ekmovis la publikan opinion tra la mondo, ke la registaro de generalo Plastiras estis devigita forpreni la politikajn malliberulojn el la torturejoj de Markronisos.

Ĉi novan atakon kontraŭ la malliberuloj oni bazas sur la preteksto, ke temas pri danĝeruloj. Ili signifas minacon por la registaro. Tamen neniu serioza homo povas tion kredi. Vero estas, ke la jarojlonga malhoma traktado ne sukcesis rompi la reziston de la enkarcerigitoj. Nun la regantoj de Grekio serĉas novajn rimedojn por atingi tion.

La krioj, kiuj atingas nin el la „Tomboj por vivantoj“ ne estas

krioj de malespero, sed esprimo de fido, memkonfido al la estonto al la estonto, al la justeco kaj humaneco, fido al nia solidareco kaj nia intereso savi ilin.

Esperantlingvajn protestojn kaj solidarecesprimojn sendu al: LEAGUE FOR DEMOCRACY IN GREECE, 19 Beak St. 19, LONDON, W.I. Anglio Marku per la vorto „ESPERANTO“. traduka servo de S.E.A.T. x C. Fielding

Dro. Kamarýt: Via bulteno restas daŭra dokumento pri via kontribuo al nia movado. Akceptu mian dankon! Spitante oficialulojn ni vivas kaj vivos. La marŝo de la progreso ne estas haltigebla!

KORESPONDI DEZIRAS necesas!

Unufoja ordinara korespondanonco kostas 2 Kĉs aŭ 2 internaciajn respondkuponojn. Ĉiu anoncanto almenaŭ 1 foje respondu al ĉiu korespondpetanto. Uzu Esperanton por la propagando de la mondpaco!

K-do E. ROSNER, Lugauerstrasse 87, Oelsnitz-Erz., Sachsen, D.D.R.Germanio, kun pacdefendantoj kaj intersanĝi materialon por levi la Esp-movadon en la Germana Demokr. Respubliko. K-do PAPP Imre, Füst Sándor u.37 sz., PÉCS, Hungario (13 jarulo) per let.p.k.il.pri paco, kun ĉiuj l. K-dino ITALIA Piccoli (18 jara helpdentistino) LAGÔA VERMELHA, RGS. Brazilio, kun ĉiuj landoj. K-do Takomitu Tomoyori, 3 syowadori Tebira, WAKAYAMASI, Japanio, interŝanĝas il.p.k. kaj p.m. K-do Tavosz LAJOS, Gábor Áron u.l. PÁSC-MESZES, Hungario (13 jara) per il.p.k., kolektas p.m. Städtisches Fremdenverkehrsamt, BINGEN /Rein) Germanio, dissendas senpage belan prospekton pri tiu fama banloko. Petu per il.p.k.

K-do SCHREMPF József, Mesckemence atca 17, PÉCS-GYÁRVÁROS, Hungario, (13 jara) deziras interŝanĝi il.p. K-do Stanislav WIDLAK (19j. stud.) Ul.B.Prusa 3.m.7.KRAKÓW, Polio, kun ĉiuj landoj per bildkartoj. K-do Ejner JENSEN, gl. Ribevej 2, VEJLE, Danmark, Danlando (28 jara fervojist) per let. kaj il.p.k. S-ano Petar MILANOVIČ, (studento) Kumodraška 76, BEOGRAD, Jugoslavio, koresp. Kaj inteŝanĝas p.m. K-do Roland LINDBLOM, Sveagatan 41 ALINGSÅS, Svedio, 10 gekursanoj de 15-35 j. koresp. Kun ĉiuj landoj. K-do M.v.SAANEm Dorpsstr. 161, JISP, Nederlando, kun ĉiuj landoj. S-ino Roberta DREYER, 6000 Huntington Ave, RICHMOND 8, Calif, Usono koresp. Per bele afrankitaj ilustr. poŝtkartoj kun ĉiuj landoj.

„AŬSTRIA PACRONDO ESPERANTISTA“ estas nomo de la bulteno, kiun eldonas esperantistoj-pacdefendantoj en Vieno. Ĝi estas abonebla pere se k-do Rudolf Burda (Plzeň, Palackého nám. 6). La abonpago kostas 6 Kĉs.

TRAFPA PORPACA LABORO. La sduka ministerio de la Respubliko Guatemala aranĝis tutmondan ekspozicion de infandeseĝnaĵoj kaj pentraĵoj, kiun partoprenis ankaŭ kelkaj infano el Ĉeĥoslovakio. Nun ili ricevis belan prospekton kun bildoj el la ekspozicio de la ministerio por edikado de la Respubliko Guatemala kaj serion da belkoloraj bildkartoj pri gvatemalaj indiĝenoj. En Plzeň unu el al plej junaj pacdefendantoj, 11-jara k-do Pavel Šťastný, kiu sendis por la ekspozicio serion da porpacaj deseĝnaĵoj ricevis krome ankoraŭ de la eduka ministerio de Guatemala specialan honorigan diplomon.

GRAVA ATENTIGO! Kaŭze de diversaj malhelpoj aperas kun granda malfruiĝo la 17a kaj 18a numeroj de La Pacdefendanto, por kiuj

estis materialo preparita jam en majo kaj junio. Ili estas samtempe  
dissendataj. Venontanumero de la bulteno aperos post la ferioj. Tial ni  
petas niajn ŝatatajn abonintojn, ke ili paciencie atendu kaj ne alsendu  
al la redaktoro urĝigleterojn.

-----  
Redaktis: Rudolf Burda, Palackého nám. 6, Plzeň, Ĉeĥoslovakio.  
Eldonis: Esperantský proužek při Osvětové besedě v Olomouci.